

M I S S A

Ad postulandam gratiam bene moriendi.

INTROITVS.



Illumina oculos meos,
ne unquam obdormiā
in morte, ne quando di-
cat inimicus meus: Præ-
valui adversus eum.

Psalms. Usquequò Domine oblivis-
ceris me in finem? usquequò avertis
faciem tuam à me? *ψ.* Gloria Patri.
Illumina.

Oratio.

OMnipotens, & misericors
Deus, qui humano generi, &
salutis remedia, & vitæ æternæ mu-
nera contulisti: respice propitius nos
famulos tuos, & animas refove quas
creasti, ut in hora exitus earum, abs-
que peccati macula tibi Creatori suo
per manus sanctorum Angelorum
repræsentari mereamur. Per Domi-
num nostrum.

Lectio Epistolæ Beati Pauli
Apostoli ad Romanos.

FRatres, Nemo nostrum sibi vi-
vit, & nemo sibi moritur. Sive
enim vivimus, Domino vivimus:
sive morimur, Domino morimur.
Sive ergo vivimus, sive morimur,
Domini sumus. In hoc enim Chris-
tus mortuus est, & resurrexit: ut &
mortuorum, & vivorum dominetur.
Tu autem quid iudicas fratrem tuum?
aut tu quare spernis fratrem tuum?

Omnes enim stabimus ante Tribu-
nal Christi. Scriptum est enim: Vivo
ego, dicit Dominus, quoniam mihi
flectetur omne genu: & omnis lin-
gua confitebitur Deo. Itaque unus-
quisque nostrum pro se, rationem
reddet Deo.

Graduale. Si ambulem in medio
umbræ mortis, non timebo mala:
quoniam tu mecum es, Domine.
ψ. Virga tua, & baculus tuus ipsa
me consolata sunt. Alleluia, alleluia,
ψ. In te Domine speravi, non con-
fundar in æternum: in iustitia tua
libera me, & eripe me. Inclina ad
me aurem tuam, accelera, ut eri-
pias me. Alleluia.

*Post Septuagesimam, omisso Alle-
luia, & Versu sequenti, dicitur.*

Tractus. De necessitatibus meis
eripe me Domine. Vide humilita-
tem meam, & laborem meum, &
dimitte omnia peccata mea. *ψ.* Ad
te Domine levavi animam meam:
Deus meus in te confido, non eru-
bescam: neque irrideant me inimici
mei. *ψ.* Etenim universi, qui te ex-
pectant, non confundentur: confun-
dantur omnes facientes vana.

*Tempore Paschali omittitur Gra-
duale, & eius loco dicitur Alleluia,
alleluia. ψ. In exitu Israel de Ægyp-
to, domus Jacob de populo barbaro,
Alle-*

Alleluia: Paratum cor meum Deus,
paratum cor meum: cantabo, &
psallam tibi gloria mea. Alleluia.

Sequentia Sancti Evangelii
secundum Lucam.

Luc. 21. 34. **I**N illo tempore, dixit Jesus discipulis suis: Attendite vobis, ne forte graventur corda vestra in crapula, & ebrietate, & curis hujus vitæ: & superveniat in vos repentina dies illa: tanquam laqueus enim superveniet in omnes, qui sedent super faciem omnis terræ. Vigilate itaque, omni tempore orantes, ut digni habeamini fugere ista omnia, quæ futura sunt, & stare ante Filiû hominis.

Offertorium.

In te speravi Domine: dixi, tu es Deus meus: in manibus tuis tempora mea.

Secreta.

SVscipe, quæsumus Domine, hostiam, quam tibi offerimus pro

AD pias, enixasque preces Serenissimi Magni Ducis Heturiae, Sanctissimo Domino Nostro porrectas, à Sanctitate suâ ad Sac. Rituum Congregationem remissas, & ab Eminentissimo, & Reverendissimo Cardinali Otthobono relatas; Sac. Rituum eadem Congregatio suprascriptam Missam pluries diligenter examinatum, correctamque, ac revisam pro Ecclesia universali approbavit, ponendam in Missali post Missam pro Remissione Peccatorum, & in Rubricis Generalibus in Tit. de Coloribus Paramentorum, sub colore violaceo, ac præterea in Gradualibus ad Cantum Chori, in eodem Cantu, & Tono, qui in antiquis habetur feria quarta Dominice primæ, & Sabbato Dominicæ tertiæ in Quadragesima, & in Dominicis quarta, sexta, decimasexta, vigesima, & vigesima prima post Pentecostem: si Sanctissimo Domino Nostro videbitur. Die 20. Martii 1706.

Et facta deinde per me Secretarium de predictis Sanctissimo Domino Nostro relatione, Sanctitas sua supradictis omnibus annuit, ut hoc præsertim tempore, quo plurimi repentine mortis casus, iam in Vrbe, quam alibi contigerunt, petatur à Deo gratia bene, pieque moriendi. Die 27. ejusdem mensis Martii, & Anni 1706.

G. Card. Carpineus Præf.

Locus ✠ Sigilli.

B. Inghirami Sac. Rit. Congr. Secr.